



Hans Enoksen
Inatsisartunut ilaasortaq
Naleraq
inatsisartut@inatsisartut.gl

**Ineqarnermut akiliutit qaffannissaat ineqarnermullu tapiissutit pillugit § 37
naapertorlugu apeqquaqqaammut 2025-29-mut akissut**

Ulloq: 23-05-2025
Suliap nr.: 2025 - 10216
ID. nr.: 97776421

Asasara Hans Enoksen

Ineqarnermut akiliutit qaffannissaat ineqarnermullu tapiissutit pillugit Inatsisartut Suleriaasianni § 37 naapertorlugu Naalakkersuisunut apeqquaqqaarputit. Apeqquqtitut uannut akineqartussanngorlugit innersuunneqarput. Apeqquqtit matuma kinguliani ataasiakkaarlugit issuarneqarput, akissuteqaat kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqquq 1: Ineqarnermut attartornermut akiliutit ukiut 15-it tullit ukiumut qanoq
annertutigisumik qaffattassappat?**

**Akiliutit qaffattarnissaanut aamma ersarissunik kisitsisinik piumasaqarpunga
akineqassasut.**

Akissut: Namminersorlutik Oqartussat inissiaataanni aserfallatsaaliinerup annertusitinnissaanut immikkoortinneqartussanik, tassunga ukiumoortumik iluarsisarnissamut, ukiumut 3,8%-inik ineqarnermut akiliut naleqqussarneqartassasoq akuerineqarpoq. Ineqarnermut akiutinik naleqqussaaneq 2027-miit 2041-mut ukiumoortumik pisassaaq.

**Apeqquq 2: Ineqarnermut tapiissutit attartortunut tunniunneqassappata
aningaasarsiat qanoq aallaavigneqassappat? Aammalu tapiissutit
annertussusissaat ilanngullugu paaserusuppara.**

Akissut: Isumaginninnermut, Suliffeqarnermut Nunamullu Namminermut Avatangiisinullu Naalakkersuisoqarfimmit akissuteqaammut ilanngussassanik piniartoqarpoq, taannalu imatut paasissutissiivoq: "Isertitaq, ineqarnermut tapiutissap naatsorsornissaanut tunngaviususaaq, tassaavoq illoqatigiit ataatsimut isertitaat tassa § 5, imm. 1, Slbkg.nr.5 28. januaari 2025-meersoq malillugu.

Maannakkut aningaasarsiat tassaapput inuup isertitai akileraaruteqaataasussat aamma utoqqalinersiassat § 39 a lfl. isertitanit akileraarutit pillugit, piffimmi qaammatini 12-ini malillugit.

Apeqquqtip itisilernerneqarnerunissaanik inussiarnersumik qinnuigaassi, tassa ilaqutariiusussit qanoq inissisimanera apeqquqtaammat, tassunga ilanngullugu katisimanermut tunngasut, pilersuisussaanermut aamma tiguisusaaq utoqqalinersiaqartuunersoq imaluunniit siusinaartumik utoqqalinersiaqartuunersoq kiisalu inigisap angissusaa ilusilersorneralu, tamakku apeqquqtaassapput ineqarnermut tapiutissap naatsorsornissaanut.

Assersuutigalugu nalinginnaasumik ilisimatitsissutigineqartarpoq ineqarnermut tapeq annerpaamik inigisap akiata 95% aamma 98% akornaniittarmat apeqquqtaalluni ineqarnermut tapermik pisusaaq meeraqanersoq meeraqannginnersorluuniit."

Apeqquut 3: Attartornermut tapiisummik (boligsikring) pissarsissagaani qanoq aningaasarsiaqarnerit aallaaviussappat, aningaasarsiat killissaat qanoq annertutigissava?

Akissut: Isumaginninnermut, Suliffeqarnermut Nunamullu Namminermut Avatangiisinullu Naalakkersuisoqarfimmit akissuteqaammut ilanngussassanik piniartoqarpoq, taannalu imatut paasisutissiivoq: "*Ineqarnermut tapermik pisinnaaffeqaraanni killiliussaq anneeq tassaavoq illoqatigiit ataatsimut isertitaat, tamassuma naatsorsornerata kingorna qinnuteqartumut meeraqanngitsumut annertussuseqarpoq kr.203.770 aamma qinnuteqartoq meeralik kr.419.655 annertussusilik, tassani Isumaginninnikkut akigititat ulloq 1. januaari 2025 jf.Bkg.nr.20 24. novembari 2017 §5, imm.1 & § 8, imm.2 Slbkg.nr.5 28. januaari 2025 atuutilersut malillugit.*"

**Apeqquut 4: Ineqarnermut tapiissut tunniunneqartussaq kiap akilissavaa?
a. Namminersorlutik Oqartussat qanoq angitigisumik ineqarnermut tapiisassappat?**

Akissut: Isumaginninnermut, Suliffeqarnermut Nunamullu Namminermut Avatangiisinullu Naalakkersuisoqarfimmit akissuteqaammut ilanngussassanik piniartoqarpoq, taannalu imatut akissuteqarpoq: "*Ineqarnermut tapeq aningaasalersorneqartarpoq kommuuniniit 40% aamma Nunatta kasseaniit 60% tamanna § 15, imm.1 Slbkg.nr.5 28. januaari 2025 malillugu.*"

Apeqquut 5: Ineqarnermut tapiissut kommunit akilertagassaat qanoq annertutigissava aningaasanngorlugu?

Akissut: Isumaginninnermut, Suliffeqarnermut Nunamullu Namminermut Avatangiisinullu Naalakkersuisoqarfimmit akissuteqaammut ilanngussassanik piniartoqarpoq, taannalu imatut paasisutissiivoq: "*Namminersorlutik Oqartussat naatsorsuutaasa takutippaat nunatta kassea ukioq 2024-mi kr.53 mio.-inik akiliuteqarsimasoq aamma 2023-imi kr.48,9 mio. Namminersorlutik Oqartussat 60 % akilertarpaat (Ineqarnermut tapit pillugit Inatsisartut inatsisaat § 15 malillugu) naatsorsorsinnaavarput kommuunit aningaasartuutissatut ilimagisaat allattukkat malillugit aningaasat tamakkiisut 40 %-ii, tassa*

- *Ukioq 2023-imi kr.32,6 mio.
kiisalu ukioq 2024-imi kr.35,33 mio.*"

**Apeqquut 6: Ineqarnermut attartornermut akitsuinnissami ukiut 15.-it tullit
Namminersorlutik Oqartussat attartortittagaataat init kisimik
akitsuiffineqassappaat?**

Akissut: Naalakkersuisut aalajangiinerat Namminersorlutik Oqartussat inissiaataanni attartortittakkani taamaallaat atuuppoq.

**Apeqquut 7: Ineqarnermut attartornermut akitsuinnissami aamma kommuunit illutaat
attartortinneqartut akitsuiffineqassappaat?**

Akissut: Kommunit inissiaataanni attartortittakkani ineqarnermut akiliut qaffassanersoq pillugu Naalakkersuisut kommunalbestyrelsit sinnerlugit akissuteqarsinnaanngillat. Kommunit inissiaatiminni ineqarnermut akiliut qaffanniaraat, tusagassiuutini ukiut

tamaasa allassimasarpoq. Tamatuma ingerlaannarnissaa
naatsorsuutigineqarsinnaavoq, tassami kommunit inissiaataanni aningaasaqarneq
aamma ataqatigiittussaammat.

**Apeqquut 8: Ineqarnermut akitsuinnissami paaserusunnarpoq illunut
nutaanngitsunut allaat attartortinneqartunut Namminersorlutik Oqartussat
kommuunillu illutaat nutaanngitsut aamma akitsuinnissamut ilaassappaat?**

Akissut: Ineqarnermut akiliutinik naleqqussaanerit Namminersorlutik Oqartussat
inissiaataannut attartortittakkanut tamaginnut atuuppoq. Kommunit inissiaataannut
attartortittakkanut tunngatillugu, apeqquummut nr. 7-mut akissut
innersuussutigineqarpoq.

**Apeqquut 9: Inissiaatileqatigiiffik A/S INI aammalu Namminersorlutik Oqartussat
piat Illuut A/S kattunnissaannut suliaq sulii ingerlava? a. Taamaappat qaqugu
suliaq aallartissava?**

Akissut: Naalakkersuisut Siulittaasuata Naalakkersuisoqarfianit ilanngussassanik
piniartoqarpoq, taassumalu makkua paasissutissiissutigai: "Naalakkersuisut
Siulittaasuata Naalakkersuisoqarfianiit paasissutissiissutigineqarsinnaavoq, INI A/S-ip
aamma Illuut A/S-ip kattunnissaannut periarfissanik qulaajaalluni suliaqarneq ingerlasoq
aammalu ajornarunnaarnerani misissueqqissaarnermit inerniliussat Naalakkersuisunut
saqqummiunneqartussaasut."

**Apeqquut 10: A/S Ini-mut ingerlatsinermut aningaasat qanoq annertutigisut
atorneqartarpat aammalu sulisut qassiuppat?**

Akissut: INI A/S-imiit akissuteqaammut ilanngussassanik piniartoqarpoq, taannalu
imatut akissuteqarpoq:
"2024-mi aningaasartuutigit tamakkerlugit (INI A/S) 103.308.551 koruuniupput. 2024-mi
150-inik sulisoqarpugut."

**Apeqquut 11: Illuut A/S ukiumut ingerlatsineranut aningaasartuutit qanoq
annertutigippat aamma sulisut qassiuppat?**

Akissut: Illuut A/S-imiit akissuteqaammut ilanngussassanik piniartoqarpoq, taannalu
imatut akissuteqarpoq:
"Illuut A/S-imi sulisut marluupput.
Illuut A/S-imi ingerlatsinermut aningaasartuutit 2024-mi annertussuseqarput: 32,087
mio. kr."

**Apeqput 12: Ineqarnermut tapiissut kommunit akilertagaat qanoq annertutigaat?
Aammalu Namminersorlutik oqartussat akilertagaat immikkoortillugit
paaserusunnarput.**

Akissut: Isumaginninnermut, Suliffeqarnermut Nunamullu Namminermut Avatangiisinullu
Naalakkersuisoqarfimmit akissuteqaammut ilanngussassanik piniartoqarpoq, taannalu
imatut akissuteqarpoq: "Apeqput 5-mut akissuteqaat atuaruk"

Neriutigaara matuma siuliani allassimasuni apeqqutitit akineqarsimassasut.

Inussiarnersumik inuulluaqqusillunga

A handwritten signature in blue ink, appearing to be 'Aqqaluq B. Egede', written over the printed name.

Aqqaluq B. Egede